



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XXIII. Dominus regit me.

urn:nbn:de:hbz:466:1-44993

- 25 Namque ille haud inopes prospicere abnuie,
Nec fastu miserum despicit inuido,
Nec vultus famulo distinuit sacros,
Sed praesens querulum audijt.
- 26 Vnum te referet laus mea principem
Audita innumeros per populos: tibi
Soluam vota pios inter ouans choros,
Magnum qui metuunt Deum.
- 27 Libabitque epulas turba modestior,
Et laetum peragent hunc saturi diem:
I A M qui celebrant, laude canent nouis
Viuant corda diu pia.
- 28 Telluris memores vndique termini
I A M deposita stultitia petent,
Quem diuisa locis agmina Gentium
Votis supplicibus colent.
- 29 I A S regnum etenim iure tenet suo;
Huic cederetque hominum cuncta potentias
Ille aequo varias (nam sapit, & valet)
Gentes imperio regit.
- 30 Et quotquot saturat delicijs ferax
Tellus, cum dapibus suscipiam meis;
Mirari superum munera, supplices
Grates exsoluent pij.
- 31 Hoc praesente graui corruet impetu,
Quisquis delinuit puluere sordido,
Cuius non animam numine viuido
Magnus restituit pater.
- 32 Sed semen, placido pectore quod coles
Illa aetate Deum, caedet amabilem
Conscriptum Domini ac principis in gregem,
Iunctum ciuibus & poli.
- 33 Illi post genito iustitiam Dei
Narrantes populo, nuntia deferent,
Dicent polliciris denique vt efficax
Numen constiterit suis.

PSALMVS XXIII.

Dominus regit me.

PIETATIS CONDITIO BEATA.

Psalmus David. Ode Sapphica.

DVm salutaris mihi pastor I A S
Consulit, felix ego nil egebo.

Ille

- 3 Ille me caulis stabulat virenti
Gramine lætis.
Ille me lenis fluij quietos
Riuulos propter medium per æstum
Ducit, ac lymphæ recreat liquenti hæc
Languida membra.
- 3 Callibus rectis bonus atque iustis
Orbitis ducet pecus, & vaganti ab-
uertet errore: hæc bene certa cura est
Nominis almi.
- 4 Pone me, lethi ad tenebras profundis
Vallibus, pallens vbi semper horror
Excubat, nulla hîc mala te pericla
Rege timebo.
Quem geris dextra, baculus, potenti
Et pedum, cunctis metuenda monstris
Arma, securum insidijs iubent me
Viuerè cunctis.
- 5 Inuido atque hosti anteculos refertans
Instruis mensam mihi tu, caputque
Dum bibo plenis pateris, fragranti iu-
ungis oliuo.
- 6 Quin beans virtus tua me sequetur.
Luce dum vitæ fruor hac serenæ;
Mox dies IAE innumeros beata vt
Verser in aula.

PSALM. XXIII.

Domini est terra, & plenitudo eius.
ECCLESIAE SECVRITAS.

1 Psalmus David.

Ode Dicolos Distrophos.

- T**erra parens opibus plena, & quos continet orbis
Magni IAE sunt sæcla viroꝝ.
- 2 Isterram super imposuit maria omnia firmans;
Fluminibusque aptauit agendis.
- 3 Quis nam IAE subeat montem loca sancta tenere
IAE quis poterit pede recto?
- 4 Immunes quisquis palmas extendit in altum;
Cui nullis tumidum est vitij cor.
Quiq. animo vanum cupijt nihil improbus, arte &
Iurando semorus ab omni est.
- 5 Hunc chanum & iustum, numerosa ac dote beatum
Rex suus efficiet bonus IAS.

D

Nos